



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?

chi sa PlayStation ariseru at fatu 27 annus?

27 annus de sa bessida in Europa e duncas in Sardinnia, poita ca in Giaponi fiat bessia su 3 de su mesi de Idas de su 1994 e in is Stadius Unius su 9 de Cabudanni de su 1995.

A primitziu, candu est arribada, su prètziu s'acostàt a is setixentus milla francus ma in is annus a sighiri fiat calau finsas a is duxentus-cinquanta milla francus de su 1998, favoressendi su spainamentu intru de is giòvunus ma non sceti.

Sa bidea giniosa de ligi is CD-ROM intamis de is casciteddas fiat profetosa ca sa consolle podiat essi imperada cumentu unu reprodusidori de mùsica puru ma, pruschetotu, poita ca su CD fiat prus baratu meda e duncas is giogus chi non beniant bèndius ddus podiant bendi s'annu a pustis cun unu prètziu smingau sena de nci perdi guadàngiu.

Sa PlayStation at mudau sa manera de bivi is video-giogus. Chini non s'arregordat su video de obrexidura candu s'alluiat o su joystick cun is cuàturu tastus tipicus (tundu, triàngulu, quadrau e scèschia)?

Ddu tenis tui unu arregordu acapiau a sa PlayStation?

In is màginis podeis biri in sa prima sa consolle e in sa segunda non nc'est abisòngiu de si ddu nai, tanti ddu sciu chi dd'eis incortiu in sa niera!





REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU

